

ISRIGIN LU IKOPAUNUNA (ILOONIN)

1. EIPONE LO ITARAUNET ILOONIN AUPASIA

KON

1) *Akepolou*

Eraasi lu isirigin lu ikopaunio ido kobeite ainyakakin koupas keda ameda ka igaraman icie kwape nat ngun lu aijaun isirigin, ngun lu ayuaros ejaun ationis (insurance) ka ngul lu abaluwan nu ecamakit ekisil (stamp duty) ka icie da.

2) *Ekoto ilonin luipu koyuwaritete.*

Ekoto ngol lo ikopaari aanyun ebe mam nges etwaniari ike isirigin arai ekuroki atacakin elooni ke. Kanu angun do etapit kwi akotokin ijo aitodun ibore yen ibowouni ijo kimen aitac isirigin tetere kesi egwelarete. Erai yen ibore yen ijatatar ijo kwape nat alupok nu eyangarete ikulepek isirigin (loan) arai kimwang ijo aitac. Icie lu ikopaikinete ijo isirigin ecamunito itunganan yen ibwoikini ijo. Arai kikurok ijo atacar eloni, lo ibwoikini ijo do nges etaci isirigin lu kaibois kon.

Bobo da aticepak ijo aitodikin lu ikopaikinete ijo isirigin eipone lo idumununa ijo isirigin keda aswam kon na agwelanar. Einakin na kesi amisikin apedorite kon aitacak isirigin lu tetere do kesi eseunete arai aikopaikin ijo isirigin arai mam ka aijen etiai isirigin lu ikopaikina ijo.

Illoolin icie mam ekotosi iboro lu ibwoikinete ijo. Aingadisia nu apiyai acie ka ekopanarak apiyai lu mam ekotosi iboro lu ibwoikinete ikearete etiai lo ameda arai isirigin icie lu ebeit ijo aitac naarai eyauni atwaniar kowaikec aikopaar isirigin lu emamei ibore ebwoikinit. Kanu

kangun, arai kikopaikin ijo isirigin komamei ibore kibwoikinit, kowany ebe imisikini etiai lo ibajunet isirigin.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

3) Isirigin lu ikopauni ijo kere epote keda etiai kec bon.

Ne ikopauna isirigin komisiki ebe iburai ijo aitac isirigin lu ekopaikino ijo keda icie lu idokokinio kuju konyaritete ameda, keda bobo isirigin icie lu itelemuno ijo. Eringa ijo ikopauna isirigin, kingitu etiai isirigin kere lu ebeit ijo ainyakakin adaun apak kere na itacia ijo. Emaikinitai na ameda kere kaimoriarit (total cost of credit) ido imoriarit isirigin lu ikopauni ijo, ameda ka isirigin icie lu itaci ijo. Erai epelu kalo ikopaikini ijo isirigin aitijenikini ijo isirigin lu kere. Arai mam nges itijenikini ijo nu, kingitu ijo nges.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

4) Ameda nges etiai lo itaci ijo kanu aikopaun isirigin.

Ameda nges isirigin lu iyatakitai lu ebeit ijo aitac nejai itunganai arai atukot na apiyai na ikopaikini ijo isirigin. Itolomunio ngesi kwape atutubet kesi kangol elap arai ekaru.

Kotupitete eipone lo isirigin lu ikopauni ijo, aticepak iburao ijo aitac ameda kangol ekaru, elap arai esabiti. Ejai atiaket naepol kiding ameda na itacio kangol ekaru, elap arai esabiti.

- Ameda na kangin ekaru: arai ikopaunit ijo isirigin ilukumin akwatat (100,000/-) keda ameda na itomon aarei kotoma akwatat kangin ekaru, itaci do ijo ameda na ilukumin itomon aarei 12,000/- kangin ekaru kuju na ilukumin akwatat lu ikopaunit ijo. Akaulo na ekaru ediope, iburao do ijo aitac ikulepek isirigin ilukumin akwatat ka itomon aarei 112,000/- keda isirigin icie lu ebeit aitac.

- Ameda na kangin elap: arai ikoparit ijo isirigin ilukumin akwatat (100,000/-) keda ameda na itomon aarei kotoma akwatat kangin elap. Itaci do ijo ameda na ilukumin itomon aarei 12,000/- kangin elap. Engetakin do ekaru odolito ilukumin akwatat ka akaisaangon kalu wongon kotoma ameda. Iburao do ijo aitac ilukumun akwatat kotukok ilukumin akwatat ka akaisaangon kalu wongon nges atemar ilukumin akwatat ka akaisaangon kalu wongon (100,000/- + 144,000/- = 244,000/-).

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

5) Arai kepuata isirigin lu ikopauni ijo keda ameda na ijulanikin, ibuni do ijo aitac isirigin luipu.

Ameda na epedorio aibwaikin kosipokina arai kijulujula. Arai ijulujula, apolouke epedori aijulakin ketubor apak. Kanu kangun, imina do ijo aitac luipu. Ameda na esipokina nges ngin na mam ijulanakin apak ngin kere na itacia ijo ajenun isirigin lu ikopauna. Ecamakini do na ijo ajenun isirigin lu ebiet aitac koingaren. Arai ijulanakin ameda, epodorete itiasinei da aijulakin apak na itacia ijo isirigin lu kwape nat arai ijulanakinos itiasinei lu aingadis napolon na akwap wok. (Bank of Uganda's Central Bank Rate Changes). Epedori ameda na ijulanakin aikeun arai aijesar.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

6) Arai ebuni eloni kon keda na esipokina, epol do etiai ke.

Epedori ameda osipokina arai ijesunun kwap. Elooni lo ijesitai ameda ke kwap ko otomon kotoma akwatat isipedorai ijo aitac isirigin lu ikidioko kitiriani keda ngol lo esipokina ameda ngin na ijesitai kwap isipedorai ijo aitac ameda bon osirigin lu ebeit ijo aitac elope konye do ngon lo esipokina ameda ke, inyikokini ijo aitac ameda osirigin lu sek kitoni ne ingetakina ijo atacar isirigin lu kere kwape aanyunet arai ijaunit ijo elooni lo ilukumin akwatat 100,000/- ka ameda na itomon kotoma akwatat kangin elap, arai kitaca ijo isirigin ilukumin akaisakany 50,000/- kelap losodit keda ameda na esipokinaa, ejaun bobo ijo aitac itomon kotoma akwatat lu ilukumin akwatat (100,000/-), konye ameda ya na ijesitai kwap, itaci ijo itomon kotoma akwatat lu ilukumin akaisakany (50,000).

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

7) Kojenu bobo isirigin icie lu ebeit aitac kuju na ameda eminasai atukono ngun nu ekoranarete isirigin aitatac icie isirigin.

Imoriarito lu isirigin lu ayuarit ejaun atwanar, esolo lo apapulai nu ecamakit ekisil ka isirigin lu itemonokinere akorar elooni.

Koanyu ebe imisikini ijo nu, isirigin kere lu ebeit ijo aitac. Ne imisikina ijo nu, koomom bobo ido kingitakin bon arai ipedorai, aticepak kodum do aingarakinio acie na apiyai kanen cie arai isirigin lu ikopauna idis.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

8) Biai ijeni ijo igaraman lu itereikina ka ijo arai kikurok atacar isirigin lu ikopauna kotoma apak na ebeitor?

Kisisau igaraman lu itereikinoss ka jo arai kitac isirigin ekaulo, itwania aitac arai kitaca isirigin eringa apak.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

9) Kirimo ber ajenun ne ijaikinere nu ejokak.

Ne ikotokinor aikopaun isirigin, itirian eiswamae lo atukono nu apiyai nu egelegela owai lo airereor ameda, apak na iyangaikini atacar, eipone isirigin lu ebeit atacio, arai esipokina

ameda arai ijelokina kwap, igaraman ka isirigin icie lu idokokinio kuju-komisiki isirigin kere kaileleba. Arai kidum ijo ekopaikinak apiyai lu itelekarito, imina angetakin. Itaci isirigin lu ikidioko keda eipone lo taces lo ajokan. Aikopaun kanejasi itunga lu eroko ebuni aitwatanar ijo noi. Aso ongic asekuneta kon ido koseu keda acoa. Korai lo isipokina ne ingitunia atukono nu isirigin itiaisinei ka eiswamae lo iboro kec eari epelu kec ainakin ijo akiro kere nu ipudakin ijo kanu asekun aiboisit na itelekarit kakere kanukon.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

10) Kigirunite cut ainapeta kanu isirigin lu ikopauna.

Siri kikopau kanu aburokin eipone lo itamitor ijo aimono. Eringa kikopauna isirigin lu keda etace lo ameda. Ijaasi ijo keda epelu lo atacar isirigin lu ikopaunit ijo ka aitac ameda nepepe ka lucie isirigin lu ebeit aitac. Arai ijeni ijo ebe emamuni eipone lo tacaret isirigin lu kotoma apak na icamanara yesi, siri kikopau isirigin.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■


11) Epatana Alomar apesen konye etiono alomun kinga.

Arai ikopauni ijo isirigin, koany ebe igiruni ainapeta ejok koipone lo itosomaet isirigin ka eipone lo tacakinet isirigin lu- kosalak ainapeta ngun. Kitosoma duc isirigin lu ikopauna keda alosikinet na ikopauna. Kinac aikopa atacia apesen.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

12) Kitarau isirigin ngun lu imedaikinete

Kanu atacar isirigin lu ikopaunit ijo, koany ebe ibwaikini isirigin ngun aswamisiot. Kikopau kanu aswamisio nu imedaikinete bala nat agwelia alupok, tetere ipedori aikeun edumune kon. Kotaca ber isirigin lu ikopaunit do konye aikopaun icie ekaulo arai eringa eipud ejai kitosom iloonin ejok ido siri kimotakin aibajitoi kowomowom irwan aarei eringa kikopauna isirigin kanu iboro lu era arai iboro lu edisiar ameda kesi atipe kwape nat emotoka, iicolongo lo otogo, igoen ka icie da.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

13) *Siri kikopau isirigin naarai ikopaete lucie.*



Mam ejokuna aikopa isirigin kaingadis ebe naarai icie itunga lu elukunito ijo da ikopato. Kingitakin bon arai teni ipuda ijo aikopaun isirigin. Noi noi ejok aimono adepar aikopa isirigin. Ikoapu isirigin kikurok ijo oponesio kere.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

14) *Arai mam ijo itacari isirigin lu, imina kotwania iboro lu itodunit kwape ayuwara.*

Kiitu ebe ne iwadika ijo ailipun isirigin aticepak ekotoi ijo ainakin lu ikopaikineti ijo isirigin iboro lu erai ayuwara.

Epedorete lu araut etogo kon, alupok, emotoka, ibaren arai isirigin lu itacio ijo kaswam. Arai do mam ijo itaci elooni apak na ekotore, itwaniari iboro lu (ayuwara).



Ekiliokit ■ Aberu ■ Imakio ■ Atumunak ■ Lu ocaalo ■ Lu otaun ■ Atenu na apugan ■ Atenu na mam iswamai apugan ■

15) Kocoite lu ikopanarete isirigin lu emumu.


Kocoite iloonin lu ijauna atipe ka ngul lu ikopanarete isirigin konye komam isinyikokito ijo aisiom ka amasikin abaluwan nu ikamunito iloonin. Eminasi aitam aboliar amamus aijen kon. Kiketakin duc aisiom apapulai kere nu adumun elooni ido kingit itetemikin tetere imisikini isiringin kere nu egongakina olooni eringa ijo idokokina akan kon apapulai. Erai apedor kon aingitun ido erai epelu kalo ikoopanari isirigin aitijenikin ijo akiro kere nu ipuda ijo eringa eyangara elooni. Yesi kere kiburai inerasi abeit kanu aitijenun akiro tetere ireborete nu engeso nu esilok koingaren.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

16) Koomom eringa ecamuna abwoikin icie itunganan.

Kocoite iraunun lo ibwainikinene lucie itunga ne ikopaunata isirigin. Arai kekuroki kwi lu ibwoikini ijo aitac isirigin lu ikopaunitos, ijo do nges itaci.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

17) Siri “kiboku aipany” kanu arapara “aipany acie”

Arai ber iutasi ijo keda apesenin, kinac aikopaun isirigin icie narai iyatakini na apesenin kon kanu kangun iyatakin do emugugu kon. Kiitu ebe ibuni ijo aitac igaraman icie, isirigin lu aiwadikatoi ka ameda ka eraar lo elooni loitetet.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

18) Koyuwa ekiror kon kakiro nu apiyai.

- *Siri kikudian arai adaun amuno arai kijaas ka atiokusio atacar isirigin lu ikopauna. Komorata nepepe ka ekale ka ipapero eipone lo igoorere alangiru na.*
- *Siri ilimo ebe irau jo papa ocan (lo emamete isirigin) naarai elemarete itunga amuno kane kon.*
- *Arai kikurok aitac kotoma apak na icamanar yesi, kitijenik lu ikopaunit ijo isirigin eringa apak.*
- *Siri kitam aisukuny apak koipone lo aitac isirigin kitosomai (cheque)- apapula na isipedori ijo aicorakin atacio na isirigin komamete isirigin lu edolito akaunta kon.*
- *Siri kijaik akiro nu aisab arai akiro nu itoliorete.*

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

19) Kidar eipone lo lem apiyai kon lo okau kolai.

Arai ikoopa ijo isirigin idario eipone lo itacia ijo. Acie apak bobo ne iwadika ijo aikopaun isirigin, itosomao akiro nu aseunia arai aikopaikin ijo isirigin arai mam. Arai ejok kau kon, ejokuka do adokena da nu elooni.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

2. NU EBEIT ATUPIT



	Aijaun eloon	Aitwasam isirigin kon ilopet
Ajokusio	<i>Ipedori ijo adumun isirigin lu iyatakina adepar ngul lu imonot ijo.</i>	<i>Iyuar ijo kotoma ogaraaman lu aikopaunun isirigin. Ijaasi ijo kede ailajaara na aitwasam isirigin kon koipone lo ikotor ijo kere. Emameun do ijo egaraama lo atacanar isirigin lu ikopaunitai.</i>
Arokusio	<i>Ejai ijo aibwok igaraaman lu aikopaun isirigin (kede ameda, isirigin lu itatacio kanu aitemonokinio eloon kon nepepe ka apak na eyangaikini alipan kon). Ijo ikamunitos nu awanyun ebe itacari ijo eloon kon kotoma apak, ido ekot kitemokino aitac egelit arai iyap ijo aitac nges. Ekot ijo aileleb akiro kere nu ipadai kanu araut emeeba kotoma atukot na eguruupu (ajainikin airiamununeta kotoma apak, kwangin kwangin), arai erai eloon lo ijaunio kotoma atukot na eguruupu.</i>	<i>Mam ijo ipedori adumun isirigin kere lu ipuda ijo kanu aitopolo abar kon. Ebuni do ebisines kon apolo mot mot. Mam ijo ipedori aikamunun arerengusio nu etubununos nu tii iyasete abar kon.</i>

Eitwasamae lo isirigin lu ikopaunitai	Apesen nakajokan	Apesen nakaronon
Agwelia ibore yen epol adumunet araibo iboro lu itwasama	<i>Epote iboro lu egwelitai aswam adaun apak na eoja adepar apak na eyangaikini ijo atacar eloon ngon.</i>	<i>Ebuni apesen asalakit mam etacara kere araida edaunitai ibore yen egwelitai kotoma osirigin kangul aitwasamaar kolo sek, arai mere kwangin ikidioko isirigin lu edumunonio kotoma obore kangin adepar egaraama lo eloon.</i>
Isirigin lu itwasamao kanu aiyasia abar	<i>Isipedoori eloon ijo aitotot aswam na itopolo abar kon, na da eyauni ameda na epol noi na icamaikini ijo atacar eloon kideuna ber bobo ijo da isirigin icie. Isipedoori eloon ijo adiekun isirigin idis lu tii itwasam ijo agwelia iswamasia, ido kanukangun einakini do ameda na elomuni ekaulo kotoma oboro lu iswamai ijo epoloor.</i>	<i>Mam ijo ipedorit adumun isirigin lu isiriamikina kanu atacar eloon. Ijaatatar ijo kede iponesio icie lu edit egaraama lu ipedoria adumun isirigin kanu aitolosio aswam kon. Mam ijo ipedori adumun eloon atipet tetere ikamuni arereng na ber ejai.</i>
Eloon lo atipet	<i>Isipedoori eloon lo ijo aitemokin ationus na atipet komam itorit toma ocan lu ipu.</i>	<i>Epol egaraama lo aijaun eloon, arai mere kwangin mam epedorio aijesun igaraaman ngun tetere ijo da ipedori atacanar eloon ngon.</i>

3. IJO, IJENI NU IPU NU IKAMUNITOS ILOONIN?

Aingiset – Koseu abongonokinet na edolit!

1. Ani kotoma oboro kalu elimoro kane epedorio aitwasam kanu abwaaritor eloon?

- ☐ A) Amusiri arai epulooti ☐ B) Eloon ecie ☐ C) Mam iloonin ipudasi abwaario

2. Etiai lo ameda na etacio kanu eloon ido komam ijulujula kotoma apak na edaunio etacio eloon kere nesi emaikitai ...

- ☐ A) Ameda na ijulujula ☐ B) Ameda na eirian kere ☐ C) Ameda na mam ijulanakin

3. Egaraama kere lo eloon lo erai etiai ke isirigin 100,000 /=, ido kotacete ameda na erai 10 kangul kwatat (10%) kotoma okaru ediopet nepepe ka igaraaman lu ebank lu edolitos 10,000/= fees/nesi ebuni araun...

- ☐ A) 100,000/= ☐ B) 120,000/= ☐ C) 110,000/=

4. Ani kotoma kalu edit egaraama kakere?

- ☐ A) Eloon lo isirigin 100,000 lo erai ameda 15 kangul kwatat (15%) ngol elap
☐ B) Eloon lo isirigin 100,000 lo erai ameda 15 kangul kwatat (15%) ngol ekaru
☐ C) Eriakasi igaraaman kec kere

5. Ani kotoma oloonin kalu ebuni ainakin ijo egaraama lo edit?

- ☐ A) Eloon lo isirigin 10,000 ido koirian etiai lo ameda na etacanario
☐ B) Eloon lo isirigin 10,000 ido kobongi etiai lo ameda na etacanario
☐ C) Eirian egaraama kec kere

4. Kitemitem nu eloon kon ejok

Nu ber ebeit ijo elopet aingitanakin bon: Edolit kerek eong cut aijaun eloon lo?

1. *Eloon lo, ebuni ainakin eong apesen najokan?* ☐ *Eebo* ☐ *Mam*
2. *Eong, amisiikit cut etiai kere lo eloon kalo, nesi atemar isirigin kere lu itatacio kanu aitemonokin eloon + ameda na etacanakinio + etiai lo isirigin kalu ikopaunitai?*
☐ *Eebo, erai etiai ke:* ☐ *Mam*
3. *Eong, ajeni tope arai erai ameda na ebeit eong atacanakin na mam ijulujula/na ijulujula/na eirian/na ebongi kwap?*
☐ *Eebo, erai etiai ke:* ☐ *Mam*
4. *Eong, ajeni tope egelit lo itatacio arai kepiko eong aitac eloon kotoma apak?*
☐ *Eebo, erai etiai ke:* ☐ *Mam*
5. *Eong, ajeni cut ebe amina atwaniar iboro lu abwaaritor eong eloon lo arai kepiko eong atacar nges?*
☐ *Eebo* ☐ *Mam*
6. *Eong, erereonorit itiaisinei lu itatacete iriongeta luegelegela kanu iloonin kec kasodi adumun ebe lo ngesi erionget lo ejokuka itiaisinei ke adepar?*
☐ *Eebo, adaunit eong aitiirian itiaisinei lu iriongeta kere:* ☐ *Mam*
7. *Biai erionget lo abu eong kaseu, erai ngesi lo epol amunoonut kotoma araibo mam? Dobodo eong kwape ekasitoma kec, ainakitai tope angosibib na edolit ido ayaitete ejok?*
☐ *Eebo* ☐ *Mam*
8. *Eong, adaunit aitemonokin eipone lo atacanara eloon lo?*

☐ Eebo, abuni eong atacanarr ngesi: (kangol esabiiti/kangol elap) ☐ Mam

9. Eong, apedori cut alemunun isirigin lu kanu atacanara eloon?

☐ Eebo

☐ Mam

!!!IF ARAI IBONGOKIT IJO AINGISET ADIOPET ARAI NU EDEPARITOS
ADIOPET KOBALA MAM, IBUSAKIT IJO AWOMOOM BER BOBO ARAI
EDOLIT IJO AIJAUN ELOON LO!!!

5. NU EBEIT NGINITUNGANAN AIJEN KANGUN IKAMUNITOS ILOONIN

Etiai kere lo aijaun eloon	<i>Etiai lo isirigin lu ikopaunitai + ameda + isirigin lu itatacio kanu aitemonokino eloon</i>
Ameda	<i>Erai lo etiai lo isirigin lu itaci ijo kanu aikopaun isirigin.</i>
Iboro lu ebwaaritere eloon	<i>Eraasi lu iboro lu elemikini itunganan erionget lo ekorakit eloon ido koraasi kanu abwaara eloon.</i>
Etiai lo ameda lo ijulujula	<i>Etiai lo ameda lo epedori aijulakin kotoma apak na edauni eloon etacananaro, kwape awanyunet arai ijulaki Aingadis na Apiai na Apolon kane ko Uganda etiai lo ameda na itataci ngesi nuce aingadisia nu apiai.</i>
Etiai lo ameda lo man ijulujula	<i>Etiai lo ameda lo mam ijulakin cut kotoma apak na edauni eloon etacananaro, ibore da yen do isipedoori ijo aijen cut ejok etiai lo isirigin lu ebeit ijo atacanar koingaren.</i>
Etiai lo ameda lo eirian kere	<i>Apolou ke ebe ibuni ijo asalakit itaci ameda na imarunitai itwasamaete etiai lo isirigin lu ikopaunit ijo kere toni ne edaunotor isirigin ngun atacario.</i>
Etiai lo ameda lo ebongi kwap	<i>Apolou ke ebe itacanakini ijo lu ikopaikitos ijo isirigin ameda na imario itwasamaete etiai lo isirigin lu ideuna bon ekaulo na alemar lu adaun aitac.</i>